



**Republika e Kosovës**  
**Republika Kosova-Republic of Kosovo**  
*Qeveria - Vlada – Government*

*Ministria e Forcës së Sigurisë*  
*Ministarstvo Snaga Bezbednosti Ministry of Security Force*

---

**Departamenti i Personelit/ Odsek za personal/Department for Personnel**

Në mbështetje të nenit 145, pika 2, të Kushtetutës së Republikës së Kosovës, në pajtim me Rregulloren 2001/36 mbi SHCK-në, Urdhëresën Administrative Nr. 2003/2 dhe Udhëzimin Administrativ 2003/01, Ministria e Forcës së Sigurisë së Kosovës shpall këtë:

**KONKURS**

**Titulli i punës: Drejtor i Departamentit të Prokurimit dhe Kontratave ; MFSK 0391**

**Mbikëqyrësi:** Sekretari i Përgjithshëm  
**Kohëzgjatja e kontratës:** 36 muaj  
**Niveli i pagës:** A 5  
**Orari:** I plotë  
**Vendi i punës:** KFT

**Përshkrimi i punës:** Ministria e Forcave të Sigurisë së Kosovës (MFSK) ushtron mbikëqyrje civile dhe kontroll demokratik mbi FSK-në dhe udhëhiqet nga Ministri i FSK-së, i cili i përgjigjet Kuvendit të Kosovës. Ministria është përgjegjëse për zbatimin e politikave qeveritare për sa iu përket çështjeve që ndërlidhen me FSK-në dhe poashtu do të veprojë edhe si shtabi i nivelit më të lartë të FSK-së. Detyrat e Ministrisë përfshijnë menaxhimin e personelit; menaxhimin e buxhetit dhe aktiviteteve të prokurimit; çështjet e zbulimit dhe sigurisë së FSK-së; përgatitjen e dokumenteve politike dhe ligjeve dhe rregulloreve të FSK-së; marrëdhëniet e FSK-së me popullatën civile; trajnimin, pajisjet dhe infrastrukturën e FSK-së; mbështetjen logjistike dhe mjekësore; bashkëpunimin ndërkombëtar; dhe këshillimin rreth shfrytëzimit të FSK-së për veprime (operacione) në Kosovë apo jashtë vendit. Përveç shërbyesve civil, të cilët do të përbëjnë shumicën e stafit, Ministria do të ketë edhe pjesëtarë të FSK-së të cilët do të përfshihen në detyra të posaçme me rotacion.

Departamenti i prokurimit dhe kontratave është një prej tetë njësive që i nënshtrohen drejtpërsëdrejti Sekretarit të Përhershëm. Përgjegjësia kryesore e Departamentit është të veprojë si autoriteti i Ministrisë për prokurim dhe kontraktim, duke siguruar shfrytëzimin efikas, rentabil, transparent dhe të drejt të mjeteve publike dhe resurseve publike në pajtim me Ligjin mbi Prokurimin Publik të Kosovës.

**Qëllimi i postit:**

- Drejtori i Departamentit të Prokurimit dhe Kontratave do të ketë përgjegjësi kryerjen e detyrave të dhëna sipas mandatit.

**Detyrat dhe përgjegjësitë:**

- Këshillon Ministrinë e FSK-së dhe FSK-në në lidhje me të gjitha çështjet që kanë të bëjnë me menaxhimin e prokurimit.
- Mbikëqyrja dhe koordinimi i aktivitetit të Departamentit.
- Ekzekutimi i funksioneve të prokurimit dhe kontratave në përputhje me Ligjin për Prokurim Publik në Kosovë dhe me rregulloret tjera përkatëse.
- Zbatimi i politikave dhe procedurave të prokurimit, duke përfshirë planifikimin e prokurimit.
- Administrimi dhe menaxhimi i Departamentit, duke përfshirë menaxhimin e personelit dhe duke siguruar zbatimin e funksioneve që i janë besuar. Kjo përfshinë arsimimin dhe trajnimin special të punëtorëve siç parashihet me Ligjin mbi Prokurimin Publik.
- Plotësimi i vendeve të punës dhe organizimi i Departamentit dhe marrja e vendimeve dhe lëshimi i udhëzimeve administrative rreth të gjitha çështjeve që ndërlidhen me funksionet e tij.

**Shkathësitë, përvoja dhe karakteristikat tjera:**

- Udhëheqësi i Departamentit duhet të jetë profesional, me përvojë, i besueshëm dhe i aftë për kryerjen e detyrave me mandat dhe detyrave plotësuese në mënyrë profesionale dhe brenda një afati të pranueshëm kohor.
- Duhet të ketë shkathtësi të mira organizative.
- Duhet të veprojë me maturi me njerëz dhe në punë.
- Duhet të jetë shumë i/e motivuar dhe të ketë etikë të lartë pune.
- Ai/ajo duhet të jetë i/e aftë për të punuar me nivelin më të lartë të besueshmërisë (fshehtësisë).
- Ai/ajo duhet të jetë në gjendje të punojë vetëm si dhe në kuadër të ekipit me pjesëtarët tjerë të stafit për kryerjen e detyrave të dhëna.

#### **Kualifikimet e nevojshme:**

- Diploma Universitare (nevojshme)
- Çertifikata valide/aktuale Profesionale për Prokurim” e lëshuar nga KRPP.
- Përvoja e nivelit të kënaqshëm në fushën e prokurimit publik.
- Njohja e gjuhës shqipe apo serbe.

#### **Kualifikimet e dëshiruara:**

- Aftësi pune në gjuhën angleze.
- Përvoja menaxheriale në një kompani private dhe/ose institucion publik.

**Si të aplikoni:** Formularët për aplikim janë në dispozicion në Departamentin e Personelit të M-FSK-së, apo në web-faqen e M-FSK-së, [www.mksf-ks.org](http://www.mksf-ks.org) ,apo [www.ks-gov.net/mfsk](http://www.ks-gov.net/mfsk) ku gjendet shpallja e konkursit. Formularët duhet t’i dorëzohen Departamentit te Personelit personalisht, apo të dërgohen me postë në këtë adresë: **Ministria e FSK-së, Lagja Emshiri 1, 10000 Prishtinë, Departamenti Personelit, Kati II, (Ish-ndërtesa e Shtabit të Përgjithshëm të TMK-së)**, Prishtinë, në çdo ditë pune nga ora 09:00-15:00 deri në afatin e fundit për konkurrim. Kandidatët duhet t’ia bashkëngjisin aplikacionit kopjet e dokumenteve që dëshmojnë përmbushjen e kushteve të nevojshme. **Numrat kontaktues:** Për informata plotësuese, mund të thirrni në numrin telefonik kontaktues nr.: 038 200 13 508. Konkursi është i hapur pesëmbëdhjetë (15) ditë pas ditës së shpalljes së parë në të përditshmet kosovare. Data e fundit e aplikimit është 09.10.2010. Edhe aplikacionet e dërguara nëpërmjet postës, me pullë postare, në ditën e fundit të shpalljes, do të konsiderohen valide. Kandidatët duhet t’ia bashkangjesin aplikacionit kopjet e dokumenteve të nevojshme personale dhe kopjet e dokumenteve që dëshmojnë për kualifikimet e tij/saj. Kjo pozitë i nënshtrohet procesit të verifikimit dhe mund të plotësohet vetëm pas përfundimit të procesit të verifikimit. Për shkak të numrit të madh aplikacioneve, vetëm kandidatët e përzgjedhur dhe të shënuar në listën e shkurtë do të njoftohen. Kandidatët e ftuar në intervistë duhet t’i sjellin kopjet origjinale të dokumenteve të dorëzuara për rishikim. Dokumentet e pranuar nuk do të kthehen!

**Ministria e Forcës së Sigurisë së Kosovës iu shërben të gjithë qytetarëve të Kosovës dhe mirëpret aplikacione të femrave dhe meshkujve, pa dallim nga përkatësia e tyre etnike.**